

# Powšitkowne WOZJEWJENJA

njedźelu, 5. měrca 2017

## **Dnjowy kalender z impulsami k póstnemu časej**

Dnjowy kalender z impulsami k póstnemu časej poskića Dekanatne dušepastyrstwo młodžiny wšědnje hač do jutrow. Abonować móže jón kóždy – młódsi kaž starši. Štóž chce wšědný impuls dóstawać, móže to nětko tež přez sms abo whatsapp pod telefonowym čisłom (01 52) 04 39 96 17. Poskitk je darmotny. Jedna so wo jednotliwe chaty, ale žanu skupinu.

## **Zhromadny dzeń za 5. a 6. lětnik**

Pod hesłom „Rěču z Bohom kaž z přećelom!?” přeprašuje dekanatne dušepastyrstwo džěci 5. a 6. lětnika sobotu, 11. měrca, wot 9.00 do 15.00 hodź. do Don Boskoweho domu we Worklecach. Zajimcy njech so prošu hač do wutory, 7. měrca, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.

## **„500 lět reformacija – (žana) přičina swjećenja?“**

Lětuši rjad ekumeniskich póstnych seminarow w Smochčanskim Domje biskopa Bena steji pod hesłom „500 lět reformacija – (žana) přičina swjećenja?“. Póndźelu, 6. měrca, je přenje zarjadowanje k temje „Wot Budyšina do Ochranowa: Reformacija w Hornjej Łužicy“. Zawodne słowa změja ewangelski serbski superintendent Jan Malink, nawodnica Budyskeho diecezanskeho archiwa dr. Birgit Mitzscherlich a dr. Peter Vogt z Ochranowa. Temje „Wot 95 tezew k bibliji: Zwadne prašenje wotpusk“ wěnujetaj so póndźelu, 13. měrca, dr. Christoph Münchow z Radebeula a dr. Bernhard Ditt- rich z Mišna. Posledni wječor w rjedže lětušich póstnych seminarow budže póndźelu, 20. měrca, pod temu „Wot džělenja k wujednanju: Wizije wo cyrkwi“. Zawodne impulsy k rozmyslowanju poda ekumeniska přihtowanska skupina. Započatk je stajnje w 19.30 hodź. Mjez sobuzarjadowarjemi je Towarstwo Cyrila a Metoda z.t.

## **„Stabat mater“ zaklinči w Budyšinje**

Koncert k póstnemu časej w rjedže „Duchowna hudźba“ budže njedźelu, 5. měrca, we 18.00 hodź. w cyrkwi Našeje lubeje knjenje w Budyšinje. Zaklinči twórba „Stabat mater“ Budyskeho komponista a cyrkwinskeho hudźbnika Feliksa Brojera. Wšitcy su wutrobnje přeprašeni.

## **Duchowny koncert k póstnemu časej**

Duchowny koncert k póstnemu časej budže njedźelu, 12. měrca, w 16.30 hodź. w klóštrje Marijinej hwězdze w Pančicach-Kukowje. Pod hesłom „Z wutrobu a dušu“ zanjeseť Katrin Pehla-Döringowa, sopranistka z Weinböhly, a młody cyrkwinski hudźbnik Feliks Brojer z Budyšina twórby Telemanna, Bacha, Mendelssohna, Tostija, Carsona Coomana kaž tež swójsku kompoziciju Feliksa Brojera. Wšitcy su wutrobnje přeprašeni.

## **Vesper dekanatneje młodžiny**

Wutrobnje přeprašujemy na vesper serbskeje dekanatneje młodžiny sobotu, 11. měrca, w 20.00 hodž. do klóštra Marijineje hwězdy w Pančicach-Kukowje. Přizamknje so pisany wječor z placanjom kartow, wšelakimi hrami a upcycling-/DIY-poskitkami.

Wjeselimy so na was!

*Farar Gabriš Nawka, Lucija a deka-kružk*

## **Kardinal z Burkina Faso porěči w Radworju**

Přihotujo lětušu póstnu akciju biskopskeho pomocneho skutka Misereor w Drježdžansko-Mišnjanskim biskopstwje přijědže kardinal Philippe Quedraogo z Burkina Faso pjatk, 17. měrca, do Radworja. We 18.30 hodž. budže w cyrkwi Boža mša. Kemšam přizamknje so zetkanje z hosćom z Afriki na farje. Kardinal Quedraogo porěči tam na zakładže přikładow z Burkina Faso k temje „Swět je poły dobrych idejow. Daj jim rosć.“ Wěriwi ze wšěch wosadow su wutrobnje do Radworja přeprašeni.

## **Bratrowstwo hraje w Haslowje a Chrósćicach**

Dźiwadłowa skupina Bratrowstwa zahraje swoju komediju „Jědžk a lěnjoch“ njeźelu, 5. měrca, w 16.00 hodž. w Haslowje a njeźelu, 12. měrca, w 16 hodž. pola Krawčikec w Chrósćicach. Wšitcy su wutrobnje přeprašeni.

## **Zetkanje Serbow w sakskej stolicy**

Serbja w Drježdžanach, jich přiwuzni a přećeljo su wutrobnje přeprašeni na Božu mšu w serbskej řeči z fararjom Gabrišom Nawku. Tutu budžemy njeźelu, 12. měrca, w 16 hodž. w cyrkwi swjateho Antonija, w Drježdžanach-Löbtauwje, Bünauska 10, swječić. Po kemšach zetkamy so k bjesadže we wosadneje rumnosći. *M. Bubnerjec*

## **Serbske hudźbne wubědžowanje**

Dekanatne dušepastyrstwo za młodžinu pyta nowe serbske samospisane spěwy a přeprašuje młodostnych a dorosćenych, so na hudźbnym wubědžowanju wobdźělič. Nadrobniše informacije su na plakatach wozjewjene.